


文 257.756

35.2



止齋先生文集卷之十二

外制

正議大夫守給事中兼侍講九奏除禮部尚書兼侍

讀

四年正月十一日

除侍講

三月二十一日

教方朕在東宮時嘉與僚友切磋經誼緝熙光明肆以菲躬訖于兆人之上克奉詒謀庶幾寡過永懷三益宜如之何具官某博極群書折衷六藝凡與我言者於今不忘也憫勞瑣闕位之春官進讀路門以竟餘論昔者甘盤輔高宗於舊勞之時而無與於中興納誨之選至漢二疏同傳太子而亦不在初元轉功之詔我有故人始終典學視昔蓋有光焉爾其輔養精神陳古以誠今惟母以謝事之年而有選心則朕以擇可

朝散郎試中書舍人兼皇子嘉王府翊善黃裳除給

事中兼侍講四年正月十一日詔侍講二日繼給事三月二

敕朕有元子出就外傳數求其人蓋累年於此矣晚得三益  
聽教日聞間音侍燕從容能道二南之化朕嘉其勞圖以自  
五具官某習先聖之術而於當世之務凡與吾兒勿嗟言  
之者皆實學也是用擢之瑣闥勸講路門冀發其蘊并以  
告朕昔四皓調護太子而不屈於高帝李泌以布衣交肅宗  
而不能受其身於君側爾以兩州之彥出入官邸為父言慈  
為子言孝是不謂之遭時乎尚其殫竭以報簡知可

降授朝散郎許及之前任淮東轉運判官不覺察  
錢隆一官滿一期復朝請郎

初某官日若淮錢多效禁不以道有受其咎者矣爾其以同  
過之仁而不言上亦從鑄秩非所謂吏議乎閱日既久宜還  
其初可

忠翊郎前韶州兵馬監押周昇在任不法降成忠郎  
敕具官某爾為兵官而州家以伏粟囚未諭雖會恩不改資  
也其鑄一階以警慢事可

文林郎階州將利縣令蘭森改初驗因傷身死入杜  
十四作凍餓身死失出犯公罪答該赦取旨特降  
資

敕具官某吏與吾民親莫如今爾尚不知其寃死也而以為  
道殣曾謂與吾民親乎其鑄一階毋以思免可

保義郎李珙家遺火燒民屋四百餘間有司自未以  
屋且計賊坐罪得旨宣諭依條聽贖臣僚上言特  
降一官

敕具官某傳春秋者有入大之說則無所歸咎之辭也爾不  
戒于大而禍及於閭巷將安咎乎尚爾闕略其上一官可

故通直郎趙公廣昨知饒州因旱歉民流臣寮奏並  
兩宮勒停男彥侯訴寃特追復承議郎

敕具官某左右諸大夫之言朕知其不如國人也爾守番中  
遭歲不淑能有惻隱之實而不為文具而達于朝聽者皆反  
繆言者不置罷于佚罰而爾既賚恨於地下令觀闕郡蓬  
累積哭改甚哀蓋棺論定莫公於此朕為憫然蓋選舊官不  
但慰汝亦以勸未者之勤民也可

江西運副鄭政諸奏奉議郎知袁州黃助丁母憂不  
肯離任倍支棺襯喪服官錢等候服闋口降一官不  
得與親民差遣

敕具官某爾嘗將母以就二千石之養垂及滿歲竟以喪婦  
漕臣見劾侵荼郡計姑鑄一秩俾務省循尚蓋前叙朕豈敢  
棄可

奉節郎盱眙軍指使潘撫權淮河監渡不識降一官  
放罷

敕具官某邊禁之嚴而弛於汝免官鐫秩以警後未邦靈宥  
常非我佚罰可

淮東運使趙師畢奏脩武郎張世榮管押歲獎淤路  
恣橫生事降兩官送吏部與合 入差遣

敕具官某發獎於邊事關遠聽紛譁不靖使者有言聞略弗  
懲人將是徵其貶兩秩且屬銓曹庶使邊臣繼今知懼可

湖北提刑張瑛奏承議郎常德府通判趙善充在任  
貪婪不法降一官放罷

敕具官某部使者所治且有良二千石焉爾丞郎顧不以治  
行聞而速官謗忤朕所以獎用屬籍之意矣其貶一秩免所  
居官繼今有耻亦免汝垂可

知成都府立富奏奉議郎知成都府郫縣郭公墓病  
昏幸<sup>誤</sup>降一官放罷

救具官某夫不能勝其任矣而昏於酒贖於貨然而郎太守  
猶以焉嘗有鄉曲之譽不實于理鑿秩免官吾亦從薄罰焉  
其對<sup>隆</sup>寬益思懲艾可

唐思厥祇候寄資武功大夫入內侍省宋頭供本  
官王師圭轉歸吏部差在京官覩免奉朝請

救具官某自以諸司使改今寄祿官而內侍典戎行雜矣然  
而名不在檢曹之籍則猶非秩官是則異焉耳轉而屬於斯  
為寵渥閑勞朝馮祿以真何爾其款哉母曰序進可

武功大夫祁州團練使入內侍省副都知李若正  
武功大夫明州觀察使入內侍省押班楊舜卿職  
事不謹各降一官

救具官某等朕惟周制內宰掌王內之政今會其屬之功事  
而賞罰之今內宰不設而爾等不虔于事實于官中之罰其  
上一官應古經詎繼今有俊亦豈終奪可

李若正楊舜卿復

救具官某宥過無大况其細者乎爾以服勞不虔嘗麗于罰  
蓋入柄所以馭過者閱日滋久俾還舊官則予恩茂矣其益  
靖共以圖報稱可

入內侍省副都知李若正除入內侍省都知入  
內侍省押班楊舜卿除入內侍省副都知

救具官某昔在同制內宰以中大夫為之而隸天官說者以  
為禁省之祕不宜屬外廷而本朝爰秘比司之長就擇明習  
靖共可以率屬者以董正之官最貴近亦不可不重其選矣  
爾自華中進在四人之數曾未踰日既質內廷進之長官楊舜

卿六進亞長官委寄彌重其益度匪懈以報殊渥毋使外廷謂汝不稱可

親衛大夫清遠軍承宣使提舉佑神觀林億年除入  
內侍省押班

致自宣徽院之籍廢而比司之長蓋難其人朕既差擇之矣則參伍其間以弼內治非識風指謹憲度者皆不在此選也具官某服勞禁近見謂老成茲用命汝秩在四人之數欲俾其屬於內肅給於外靖共則爾責重矣盍亦思報稱者哉可  
呈兄故吳王府 奉利州觀察使多才上遺表妻今人高氏特封碩人

致具位某氏朕所以貴爾夫於幽壤有加禮矣而何愛於疏封爾使居性皆寵先焉以塞其悲可

多才上遺表親弟二人 比換舊班制武郎多藝修

武郎多見並特授太子右監門率府率

敕具官某等拱以諸衛嚴宗室子俾曰奉朝請非苟示私也以爾多才身後之請及其仲季惻然重違之而並命爾其務靖共以稱德意可

呈叔祖右千牛衛將軍不佞磨勣轉右監門衛大將軍

敕具官某等朕考周官比衛王官者皆同姓也國朝簡宗美實之宗列之尹並循周制屬意深矣惟爾叔祖簡在衛中歷年彌長勞績兼茂進長禁闈職守益嚴欽哉無違以稱明庶可

皇叔祖太子右監門率府率不廷持披千牛衛將軍敕具官某以階官易環衛率視其秩日者有司故貶損爾今微朕聞始仍舊員雖曰緒正亦以示恩其尚恪恭爾以密察

可  
武功大夫權主管侍衛馬軍司公事張師顏落權字  
叔具官某朕以金陵形勢襟帶江淮轍吾騎滿布之屯所且  
以壯留鑰馬則統馭之才厥選艱矣爾以名將性訓群驄方  
管無事士馬飽逸觀者咸謂可以即戎躬懷武備於風馳  
於雅軍攻或庶幾馬醫爾之力肆用命爾自攝為真班蓋益  
崇寄任采重其尚加懋以究爾功俾圖秦之詩得以專美則  
予汝嘉可

皇叔祖武德郎主管台州崇道觀不詔行換右監門  
衛大將軍

勅具官某朕汝周官凡衛王官者皆同姓也 國朝亦簡宗  
英實之環列之戶蓋猶周制屬蒼涼夫惟爾叔祖行尊德碩  
今在選中應于經誥宜率典常作宗恭先有馮有翼則繁汝

額可

昭憲皇后親姪孫社士實特補承信郎

教某朕惟 藝祖之子孫自吾 壽皇篤叙之恩備矣而於  
毋黨顧無世祿宣昌陵之意乎取之白丁授以右職爾其永  
懷無忝所自可

右丞相葛邲初拜贈三代封妻 附 祥三

曾祖朝奉郎致仕贈太師謚清孝追封魏國公書恩  
封魯國公

教朕覽周誥至命君牙為大司徒實 冢宰是謂股肱而推  
本乃祖世篤忠正之美蓋有感焉維今大臣相我孝治經文  
緯武海內晏然則亦惟其先德之休足以薰後可無瓌崇以  
故曾祖具官某 躬行對于古人鄉譽高於月旦方其登仕  
亦既有聞而以其親掛冠再調筦庫以此終身僅通閩籍法



不應謚朝廷異焉易名清孝足以發明其人矣燕及曾孫爰同宰事則所以推本其美朕敢忘周道乎進封大邦莫如曲阜尚食其報永綏爾神可

曾祖母魏國夫人侍其氏贈冀國夫人

敕周之盛至於既醉極矣其卒章曰君子萬年景命有僕其僕維何釐爾女士釐爾女士從以孫子言周之群臣皆有士行之女以為之妃使生子孫足以傳世蓋天意也具官某故曾祖母具位某氏作配君子行修於家單及曾孫迺生者稽考其世次亦足以知吾祖宗盛時天意攸屬而豈一日之積一門之私哉假使當周之世必從夫爵侑食五廟然則胙以大國秩之小君雖古未有亦可以義起禮矣可

祖宣奉大夫顯謨閣待制致仕丹陽郡開國公贈大師諡文康追封楚國公勝仲封齊國公

敕朕既本之六藝大啓土宇以宏貫葛氏之祧則嗣有令聞遠事兩朝申錫名邦亦禮之稱具官某故祖具官某朕某家聲踐脩累世濟以力學連由三科然而名滿天下而位不過從班文字行於方輿而身不究遠業惟是一經之教被于聞孫蔚為名臣間我兩社則劬躬之報可無異恩維此管丘太公舊宅是用即命以為新封對我寵靈以昌爾祚可

祖母楚國夫人張氏贈夏國夫人

敕朕方廣念祖烈臣休於周假以溢我而收得賢之福則所以尊大其家以答天恩豈顧有所愛哉具官某故祖母具位某氏夙以懿行采蘋名家儀于前人以詔婦子亦既再世燁然有聞而未艾之祥施于今相詩不云子執之榛栗倚桐梓漆爰伐琴瑟種德彌遠歷年彌長豈必皆身親見之乎報本酬勞式至今日大邦美疇以慰永懷非以為生蓋禮之稱可

父朝議大夫致仕贈太師許國公立方封越國公

教王室百年之間公僕侍相故家希不失者有以文墨論議  
綿及三葉是謂世臣固狀之所寵嘉矧于宗工尊為禰廟者  
乎具官某故父具官某 稔度行然聲華藉甚父未脫藁往  
謂之一時英游莫敢輩 行紹興之季歸為從臣蓋其行藏皆  
可蹤跡用而不盡士論 傾焉且集善聲發於賢嗣凡所著見  
孰非典刑爰侈舊封肆 刊於越以厚教忠之報以伸追遠之  
懷可

母雍國夫人樊氏贈陳國夫人

教為吾股肱之臣則上自三世皆廢大之而況於其母乎御  
不及百兩養不及萬鍾也而無以慰滿其罔極之恩亦何以  
責移忠之報哉具官某故母具位某氏承沐襲美發育日昭  
恩斯勤斯鞠我良弼雖及晏歲逮事舅姑且莫敬共至忘憊  
頽是足以成其子之令德矣改跡上國之封以世世配于禘  
廟而今而後庶幾吾大臣之不廢慕我也可

故妻蜀郡夫人沈氏贈成國夫人

初夫人起家以致爵位風人懼焉迺若克相夫子至於登庸  
嘗與之同隱憂矣而不同休顯此則又禮經之所悼嗟也具  
官某故妻具位某氏女德配於珩璜婦功著於蘋藻胡不借  
老以頌美成朕惟吾相裸於紺姑之室而副笄之服弗被翟  
帝之車弗乘也非有追寵何以慰之乃開新封以賁幽室可  
妻魯郡夫人王氏封信國夫人

初永惟二南大夫勞於王事而勉之以正勸之以義者皆其  
家室也矧吾輔臣孤立一意佐佑乃辟是不日警戒相成之  
助歟具官某妻具位某氏自繼元配德音不瑕既有芳敬進  
界祖妣亦有誰佩施及嫺佐我名臣迄登三事聞譽日廣績

用日崇則與天汝水之墳南山之側遺世不淑動心忍性者  
可同年而語乎冠於命婦為君夫人我有茂恩宜不汝吝可

知樞密院事胡晉臣初除贈三代封妻

四年三月

曾祖贈太子太保修已贈少保

勅昔周宣中興將相皆天下之選矣爰命皇父以整六師而  
推本所以實南仲大祖之後爰作常武之詩朕甚慕焉維今  
本兵得我碩輔則其宗祧可無棄崇以應經誥具官某故曾  
祖具官某躬行對于古人德譽高於輩行而懷道不試士論  
惜之夫屈於名者享其實不發乎其身者遺其後是宜燕及  
曾孫蔚為名臣又陪國論晉長樞旋則追錄其積行之勤境  
幸其種德之報朕敢忘常武之詩乎陞班亞保以寧其神非  
以為生至而禮之稱可

曾祖母濟陽郡夫人黃氏贈崇國夫人東來郡夫人

八張氏贈安南國夫人

救周之盛至於既醉極矣其卒章曰君子萬年景命有僕其  
僕維何釐爾女士釐爾女士從以孫子言周之群臣皆有士  
行之女以為之妃使生子孫足以傳世盖天意也具官某故  
曾祖母具位某氏作配君子行脩於家軍及曾孫迺生者捨  
考其世次亦足以知吾 祖宗盛時天意攸屬而豈一日之  
積一門之私哉假使當周之世必從夫爵侑食五廟然則昨  
以大國秩之小君雖古未有可以義起禮矣可

祖贈太子太傅燮贈少傅

敕朕既本之六藝不愛高爵以崇報胡氏之祧則嗣有令德  
休于後昆並命為孤亦禮之稱具官某故祖具官某當天下  
之清得幽人之履世無孝廉之科而不偕於計吏居無朝市  
之交而不聞於上國天命弗僭為之生孫蚤為聞人遂專樞

竟是不謂之幼躬。晝後者乎。申錫命書班於次傳。豈唯發潛亦勸來者可。

祖母平原郡夫人王氏贈永國夫人

教朕方宣念祖烈。匹休於周假以溢我。而收得賢之福。則所以尊大其家。以答天既。豈顧有所愛哉。具官某。故祖母具位某氏。夙以懿行。來嬪名家。儀于前人。以詔婦子。爰集慶善。流于聞孫。詩不云乎。藝之榛栗。椅桐梓漆。爰伐琴瑟。種德彌遠。歷年彌長。豈必皆身親見之乎。邦本疇勞。式至今日。大邦羨號於禮為宜可。

父奉議郎致仕贈太子太師宗贈少師

勅自蜀平至今二百餘年。蓋西土無遺賢矣。而尚有耆德三世不逢。詩不云乎。何其久也。必有以也。具官某。故父具官某行著而晦於名。才豐而蓄于位。乾道之際。有子燁然。諸老先生見謂公輔乎。壽皇嚴嚴獨用矣。而方考槃阿。謂水天弗緩。不以禹求之養。而易燕居之福。匪棘其欲。卒為帝師。維所謂有道者乎。然而生則遂循墻之志。沒則極告弟之榮。吾於大臣之親亦質之詩書。無愧矣可。

母通義郡夫人鮮于氏贈信國夫人和政郡夫人蘇

氏贈和國夫人文安郡夫人王氏贈惠國夫人

教為吾大臣。則上自三世皆寵嘉之。而况於其母乎。御不及百兩。養不及萬鍾也。而無以慰滿其罔極之恩。亦何以責我忠之報哉。具官某。故母具位某氏。承休襲美。發育自躬。思斯勤斯鞠。我良獨蓋副笄之飾。翟第之華。一朝疇之。不以為泰。朕惟樞輔。休然永懷。是用疏以上國之封。以世世配於禰。願而今而後。庶幾吾大臣之不廢。黎莪也可。

妻大寧郡夫人康氏封安定郡夫人

敕永惟二南大夫勞於王事而勉之以正勸之以義者皆其室家也矧吾輔臣孤立一意佐佑乃辟是不曰警戒相成之助歟具官某妻具位某氏酒醪之所羞雜佩之所贈皆天下賢傑也爰相夫子至於登庸經文緯武績用甚茂則與夫汝水之墳南山之側遭世不淑動心忍性者可同年而語乎冠於命婦為若夫人我有異恩且不敢吝可

迪功郎秘書省正字蔡幼學該脩進

至尊壽皇帝會要轉一官

敕具官某戰筆東轍迄於成書序進一階可謂德賞益修鈔製以昌爾文二典三謨亦其選也可

忠訓郎武學博士李興時知融州七月十日

敕具官某簡在右學諸生咸曰賔哉吾博士也蒞歲宜潔官而有范冷民將以其淑人者施之行事融在嶺表嘗建旌

而荆湖之輿鄰視旁郡為善地爰以付汝是謂異數尚其懋哉以踐爾言可

高文虎除將作監丞

敕具官某朕旁招俊彥布列周行德進言揚如恐不及矧子大史氏之舊引疾居家十有四年昔病今愈子環可後乎爾博學篤志承伯父之傳網羅舊聞述史遷之緒採之公論僉曰汝賢再轉為丞尚居繕監職務清簡可以卒汗青之業母以匠為嫌也可

武學諭范仲二除武學博士脩武郎黃裳然除武學

諭並七月二日

敕具官某等國家設武科以取士有周道焉所以貫革步射息說劔摺笏冕衣裳在西學則皆俊游也矧若爾仲士爾慶然人所亟稱者乎分以橫經之席從以滿戶之屨雖甚寵異

豈曰不宜可

止齋先生文集卷之十二

止齋先生文集卷之十三

外制

和州防禦使殿前副指揮使郭景除宜州觀察使

致古者六軍皆以卿將元戎十乘有珍慈珩二雅鬪之庸示  
光寵矧我中權可無異數具官某鷹揚之勇福奏之謀山西  
將家今總一二醜芳屯兩晉長周廬訓我群勳壯我中壘累  
歲於此土聽無詳日者貝胄三十來閱庭內舍矢如破可以  
即戎朕圖爾功宜及懋賞枚數男爵峻極廉車禮均從班視  
古卿士是用命汝蓋周舊章先對明恩益思忠報無使行將  
專美車攻無使止肩遺恨衿父則予以擇僉曰汝諧可

武略大夫侍衛步軍都虞候兼權侍衛馬軍司職事

閻仲特轉右武大夫忠州刺史

勅曰者朕重冬狩之役又不欲乏武事也而為簡之師試諸

廷內於環列得師焉於步旅又得帥焉皆可以即戎朕甚嘉之具官某久於行陣積有戰多效數壯士莫與儔伍解胸山之圖殿符離之返至今言之令人於奮須自遠選在我師徒百夫千夫各習其教往往營壘廬次之間無驚塵也於是閱也介冑堅好旌麾光明坐作進退數中又度朕惟勇爵以橫行為右階之最以刺郡為遙領之始悉不汝合用賞慰功其對隆恩益殫忠力可

閣門者班趙琦奏祖故寧遂軍節度使侍衛馬軍都指揮使贈大尉趙搏舉馮郊祀登極未嘗陳乞加贈特贈開府儀同三司

敕朕永懷將闕克勤王家宣勞實多贈典有闕具官某忠於許國勇不顧身能以衛社稷之心効於死封疆之力戰自東髮觀者汗頰日者欲澄冗員背第元從閱實數千人之衆定

為十三處之功爾獨最聞朕尤嘉嘆然論報自昔雖峻極於武階而訟言有孫尚少虧於褒律是用申命幽壤親儀上白以昭我不吝賞之功以成爾無遺恨之美抑使介士奮於戎行可

朝散大夫權刑部尚書京鏞兼侍講

許三明

勅朕與賢士大夫切磋經誼之日久矣而今加意於春秋秋固為夷夏作也蓋聞在漢或申復讎之義或廢禁止之武而皆有大力號稱七制斷之經意孰得孰失朕將安所取此而誰與茂明之也具官某簡在法從蔚為名臣修辭比禮非禮勿聽往釐兩事無言不酬斯可謂殆合而通今者差違之發朝重席以待其為朕深探遺經之指與漢二君行事以佐取舍兩信不為章句學者而朕頌不能專所問難注其我以副延野可

太中大夫權尚書吏部侍郎沈攸兼侍讀

敕朕與賢士大夫切嗟經誼之日久矣而今加意於春秋  
秋固為夷夏作也蓋聞在漢或申復讎之義或庶幾止戈之  
武而皆有大功號稱七制斷之經意孰得孰失朕將安所取  
此而誰與發明之也具官某紹興諸生逮事高顯純道博學  
見知慈庭於今士林辭矣輩行而况嘗與朕游管之進之路  
朝重席以待其為朕深探遺經之指與漢二君行事以佐取  
舍爾信不為章句學者而朕顧不能算其聞歟懃懃哉以副  
延佇可

朝請郎右正言黃艾兼侍講

八月二十三日

敕具官某諫臣朕所甚嘉與也適者封囊朝奏而夕不下則  
言者輒不有得豈朕意哉前請開負有司未諭膏命汝爰切  
嗟經術晉陪任事無所降殺宜惟以極聞見博洽宜在選中

亦使人人曉然知朕嘉興之意則雖此盡言不諱矣尚矚職  
心以副延佇可

湖南提刑孫逢吉奏邵州獄囚死者二十餘人守臣  
湖澄持展二年磨勘

赦昔在三朝每歲盛夏以一札賜郡長吏為奸獄丁寧也自長  
吏不奉此詔而吾民瘦死者滋衆爾某守邵亦以獄囚多死  
見察於部使者母乃非朕寄元元之意乎貶損全勞以示薄  
罰繼此領州無忘息事可

文林郎邵州錄事參軍柴璿備職郎邵州司理參軍  
李邠獄囚多死各特降一資

敕具官某爾為獄官而不省囚疾苦至多瘦死非所謂士師  
不能治士者歟其鑄一階以警怠事可

大尉定江軍節度使興州駐劄御前諸軍都統制兼



知興州吳挺守本官致仕

敕圖任世臣盡護蜀將繼繼十萬不從中覆蓋五六十餘年於此矣此意安在哉而欲致其事耶具官某性有忠勇之資學有韜鈴之素寬我西顧賢於長城假以數年庶底丕績而一旦以疾求論願上夫將軍印綬此朕所以屏奏不省也雖然誦詩至於勤懃遠謫歎辛苦則古者遣將數日即休未有以獨賢久勞若爾然者朕豈得不動於心乎姑徇忱辭使自休養若屬有疆場之事強為朕起何以報我爾其勿忘可

故太尉定江軍節度使興州駐劄御前諸軍都統制兼知興州致仕吳挺特贈少保

敕朕誕膺聖緒鴻植賢芳方分託重之權高阻勞還之禮眷惟三世每興西歸晷金之懷胡不百年遠有東首地紳之恨可為養悻何以追崇具官某為今价藩視古名將本之以應

揚之勇濟之以輔轡之才越在江源而不忘宗海之心既安蜀道而常為得寵之計是用倚以大事付之全師永惟王室之中興皆有世臣而後濟維周復古則召公是倡之功維漢御天則耿氏獨隆之力期爾晏歲對于昔人曾齡疾之亡何而告哀之已至朕方深念莫起於九原固有常儀平加之二等肆須渙渥以慰沉眞晉陪亞保之車配食先王之廟意有以勇爵至於聯左棘之華雖云愍章足以示前第之勳可

持服前武功大夫邠州團練使吳挺特授蒙州團練使起復

敕具官某有金革之事則年之喪無群自伯禽以來未之有改而况爾曠世為將乎移孝為忠朕所以強起汝也况蜀師十萬聽命爾家西陸晏然于今五紀方圖前烈宜及後人則脫爾於寄祿之階授爾以戎練之任宜以為利莫憂固

辭可

提舉江州太平興國宮郭棣授利州觀察使致仕  
激關芳將帥畀以真祠尚復抗章勇於忘祿重違雅志俾遂  
歸休爰進崇階以勸廉退具官某奮自將種卓有俊聲若更  
棘門晉尹環列累歲於此六軍不詳方篤邦交久無疆事國  
士雖倍戰功不多然中樞屹然大敵知懼繫卿之力簡在朕  
心所冀壯猷不忘王室胡為解組遽此番車豈非以行百里  
者末路之難而三世功名道家所忌乎勉從忱請良毋春晚  
高服寵榮益綏壽祉可

故利州觀察使致仕郭棣特贈寧遠軍承宣使

敷聽岳車之請亦既永嘆聞易實之言可勝遐想宜舉恤典  
以贖舊勞具官某自束髮之初有農尸之志方其實勇於宜  
威沙漠之間竟爾收聲當偃伯靈臺之後然而我有萬衆如

周歲兵我有千廬如漢中壘舉以副托究其設施歷年十有  
謀効為最往者以厭直之請踐更于邊雖分州符亦以寄查  
反即祠館從其憚煩曾鳴劍之未用何挂冠之已决朕方有  
威德非忘杖社之詩今顧不然乃是迫春榆之景覽此遺奏  
為之盡傷爰錫使名視唐留務以華身後蓋國舊章其高歡  
承用自寬慰可

耶律迺哩致仕

教有能厭擅龜之習蹈不測來歸我可謂壯士矣胡為發疾  
欲自便乎具官某耻事朔庭義不構漢觀光中國誓將滅胡  
蓋壽皇之所寵嘉而朕待之勿替者也夫鳴劍之志未顯  
而挂冠之請已决豈其以兩國方歡費勇不倍將退屢以自  
擇暇乎抑精力既憊自視非昔人而不復感察然也不然采  
疾病耶重違忱請聽致爾事若以疾辭則豈庸釋可

耶律适哩贈官

勅挂冠有請良則余衷華髮有恩蓋綬爾後具官某以幽燕  
任俠之氣懷江漢朝宗之心萬里來歸甚欲宣威於沙漠而  
兩君為好適當偃伯於靈臺竟爾收聲至於賞報蓋聞華夷  
之分春秋所嚴有能擇衣冠於介鱗之間而顧執干戈於社  
稷之後者此壯志令人永懷爰疏錫命之封庸示歸終之典  
高歆殊渥以受英寬可

正議大夫充顯謨閣待制提舉江州太平興國宮陳  
峴磨勘轉正奉大夫

敕夫循次非所以待勞能也計年非所以處法從也而有司  
以古重遠舊章宜有命書且見明陟具官某以名臣之子自  
許於儒生以夕郎之官踐更於州組奉祠累歲益見靖共序  
進一官曾非特典朕不敢廢妨慰永懷可

台州赤山縣多山至道觀中妙真入祈禱感應加封

神妙靈應真人

敕具宗神朕雖不令祠官祝釐軍師獨蒙至四方長吏有為  
吾民請曰某山川之神能惠其一方則褒崇之與朕靡愛焉  
以庶幾古堵百神之義今蜀部使者來言爾神惠及閭閻求  
之掌故則建炎之所表章也爰錫命書申衍稱號所以寵嘉  
神貺以從民欲者何如哉尚終忠之俾世世享可

潼川府中江縣靈威廟善利侯祈禱感應加封善利

敷濟侯

敕具其神朕雖不令祠官祝釐專鄉獨美至四方長吏有為  
吾民請曰某山川之神能惠其一方則褒崇之與朕靡愛焉  
以庶幾古堵百神之義今蜀部使者來言爾神惠及閭閻  
然古祠前脩所敬吾民其嘉願不忘也爰錫命書申衍稱號

所以寵嘉神貺以從民欲者何如哉尚終惠之俾世世享可

盱眙軍通判

降一官

教具官某爾為通守通掌北門之管姦民犯禁而莫之禦願發歸罪於微吏可乎其鑿一狝以為不事事之戒可

武節大夫權發遣鄂州任世安特轉一官尋任

教具官某往時三運吏不數易滿歲無虞則增秩以寵之蓋自建隆以來未有改也今爾乘障日有能聲爰進新階仍紉舊組爾其益固吾國以訖外庸杖杜勤婦之詩朕宜之乎

從義郎權知恩州田祖嚴特轉一官

教具官某昔爾以埽地進秩而有司誤仍今勞之舊官加焉正名以示愬賞其服今命益見寵綬可

履正大夫奉國軍承宣使提舉佑神觀張從訓三官

國信所任滿無違闕特授宣政大夫

教交鄰之禮於今為重自東滯與賓客言至於几執事皆所以覽示遠人以中國之有體也其官某昨長內庭嘗發贊幣竟以明習曾無忒違隣好不渝亦繫爾力騎勞滿歲懋宗略蓋國舊章朕宜改各可

朝散郎守司農少卿唐體仁除太常少卿

十明

教具官某奉常惟禮樂是司而去古浸遠放逸尚多非得禮物洽聞學有根據者未易輕畀也爾少明經術務為有司探賾索隱耻一物之不知總餉之久蓋已由郎者而貳大農矣凡對雍容効忠無隱其為朕典禮樂之事鍾鼓玉帛亦未也高求其本而釐正之可

朝散大夫尚書戶部員外郎趙益餘軍器監丞

中十一明

敕具官某戎監之設本以嚴防武備而休兵歲久繕備之職各有司存長貳亦惟摠其九而已以爾舊制之丞先自抑是久在郎省能寡悔尤序進焉長仍攝民事往其祗敬養老于舊可

朝請大夫起居郎兼玉牒所檢討官兼權中書舍人樓鑰除中書舍人

敕書皇初策在廷之士蓋極一時之選矣朕閱名籍得為相臣者二人焉樞臣者一人焉從臣而下以聲績著見者迨不可枚數也具官某於是時嘗毅然為舉首而獨不中有司之度然至今海內士所樂道議論文章風流蘊藉則未嘗不在稱首也聞者旁招時望實之本朝爾以攝官屬筆能道朕德意與其人才美之所宜文字之上下簡書之長短皆足用勸而食言不同往往不奉吾詔仁者之勇見於封章肆用爾

為真詞掖除書之出國人皆曰賢詩不云乎假以溢我我其收之朕於是蒙 書皇得人之福矣昔者鄭為辭命終屬國儒唐掌帝制實先韓愈爾其懋哉稱此優異可

頤內翰林醫痊李九齡轉翰林醫効

敕具官某天官之寓六十而醫命士二十有八人周家之重醫也如此矧爾服勞有以自見進之二秩視周命士往服明恩毋怠爾事可

判太史局吳澤荆大聲劉孝榮周端友職事不謹各降官敕具官某等東方未明之作擊壺氏所以刺朝廷也朕夙興待旦而五夜之漏聲不肅是誰之外官與各鐫一官設共朝夕母以為星官曆翁而弗汝察也可

秀州海鹽縣陳山龍王顯濟廟神母慶善夫人加焉福字敕其神母朕既從二千石之言宏賁二子之祠維爾能與而于

共福吾民郡人推本所自而廟食之可無寵嘉申衍稱說以大慰民欲乎可

賜進士出身宣教郎趙善防係漢安懿王近屬更轉

一官

設具官某策士于庭而吾屬籍有以文克列于丙科朕既其焉而問諸宗人則於濮國為近抑可嘉已申命一官以勸其子爾其懋哉務自著見可

宗子顯夫量試不中年四十以上特補承信郎

設某國家所以待屬籍至矣不得雋於進士則有量試不得雋於量試則有免試皆欲使之齒仕版習吏事也爾其勉哉以稱朕意可

量試中宗子汝弼等八十一人補官

設某等凡有司考校之科甚嚴密也而獨寬於量試宗子蓋欲

使之齒仕版習吏事稍涉於文墨而不求其備爾等盍對明恩思所以自勉哉可

合格取應宗子時信等四十二人授官第一名補承

節郎餘補承信郎

設某等有司考試之法至嚴密也而獨優於宗室子夫既闕畧以取之而授官與寒畯等則非所以示公姑屬右銓以須器使可

四川宗子師說等十人赴殿試不及並特補承信

郎

設某等爾以宗黨越在西川嘗得雋於有司而道阻且長弟獲與親策之選置而弗錄朕心測焉亦授以官庸示篤教爾其懋哉可

宗子師鉉量試不中依近降指揮年四十以上特補

承信郎展三年出官

敕京有司考試之法至嚴密也而獨優於宗室子夫既優矣而猶不應令徒以強仕予之初官然必使為三年之淹而後筮仕用示篤叙不為苟私可

宗子汝豐對策中間全馮御題首尾各用一限漆成特降一官推恩補承信郎

敕具官某策士於庭而無以對宜不在第中以爾屬籍士而不求其備始命以官亦可謂茂恩矣可

廣象提刑李信甫奏朝奏大夫通判德慶府權六州張公蓋矣陷官錢科擾民戶特降一官放罷永不與親民差遣

敕具官某嶺表以去廷遠而吏不自愛往往淪胥而為欺削爾一秩且不得與於民往之寄苟自愛者雖此尚少懲乎可

忠訓郎趙湧在任不職南劍守臣楊祐按罷軟軟

關安論守臣特降一官仍押送寄居泉州拘管

敕具官某爾以屬籍試吏不自貴愛而見劾於州家亦既爾吾教矣詰爾自疏復緣失實錄一官伴爾省循可

罷

四川制置五密奏承直郎知叙州慶符縣魏良心侵刻夷人又輕入夷國致殺死巡檢程仲乾降一官放

敕具官某夷人畏靡而服威重爾為遠縣不足於斯二者而致吾疆吏於死地免官鐫秩是不謂之寬典乎可

知成都府立密奏從政郎錄事參軍史定之不親

罷

敕具官某夫為獄掾而弗躬弗親幽枉多矣囚致於自盡特其其較著彰彰者也免官鐫秩是不謂之寬典乎可

文林郎發州浦江縣丞趙大亨不遵依提刑司差委  
推勘公事輒申任滿離任降一言

敕具官某士而不事事是故素餐也爾方丞縣而再故憲臣  
之檄以自擇便豈非不事事歟按章米上姑鑄一秩繼今知  
懼斯可從政可

知萬州季圭奏脩職郎萬州司理參軍向紹祖獄囚  
繫死降一資放罷

敕具官某爾為獄官而不省囚疾苦至於墮指至於死而不  
以告豈非所謂士師不能治士者歟其鑄一階以著怠事可

止齋先生文集卷之十三

止齋先生文集卷之十四

外制

慈福太皇太后冊寶書冊文官中大夫知樞密院事

趙汝愚轉大中大夫

敕迺十有一月癸未日南至朕帥中官從以婦子朝于重華  
獲陪親尊上顯號於王母永惟一朝四世非常之休則亦二  
三股肱克相孝治以輯風儀可無茂恩昭示褒律具官某任  
重而道遠經明而行脩 累朝篤叙同姓然自熙寧以迄士  
對策而卿始以讜議冠群英自治平以儒臣本兵而卿始以  
雅望佐三事卓爾大雅百年而復見之扶甚嘉焉 屬茲成禮  
盡圖爾功維昔太任儀刑姜妣功在十亂德在二南於是周  
公推本聖子作思齊之詩以歌之而仲尼定為六藝傳信萬  
世朕今建事過於成王翳 曾不在周公之下 齋勞進秩



實應經詎噫繼自今為  
常歎可

陪朕歲上萬年之鶴頭不

篆寶文官通議大夫叅知政事陳騏驎通奉大夫

敕迺者具法駕以日南至朝慈福官壽皇拜乎前壽皇拜于  
後朕帥中宮從以婦子摺圭稽首奉上寶蓋亦惟輔臣克相  
鉅典可無衰律以示同休具官某直內而方外博文而約禮  
及見故老在紹興文獻之間劇為儒宗極重華侍從之選眷  
言舊學簡在初潛所謂獨抱遺經能斷大事者矣晉預漢政  
益行所知得于孝治度越千古蓋周頌大任而不及于孫述  
事之榮漢尊長樂而不備父母俱存之福朕惟我家一朝四  
世自有載籍未之前聞翳仰待芻蕘盡善具美噫朕式克至于  
今日休豈惟兩宮將高廟亦寵嘉之序惟一官匪以為報可  
前道禮義使并奏禮畢通議大夫同知樞密院事余

端禮轉通奉大夫

敕日奉寶冊上之慈福也衆與所遇觀者萬人夾道皆稱  
美於朕躬朕豈敢專也則亦有宅心知訓之臣克輯盛事可  
無褒寵用以示勸具官某直諫而多聞明哲而匪懈蓋遠然  
如不勝衣而道任天下之重謙謙鞠躬而魯過孟音矣後者  
潛邸陳誼最高晉翊鴻樞臨機必斷朕嘉賴焉迺者道子有  
儀可乘肆于政事蓋畧爾功朕誦思齊之詩推尊文王本之  
太任於是蓋四世矣而周公始作大雅考引功德以昭前人  
未必逮事王母親周旋揖遜乎其間也以今况古孰與朕休  
如卿遭時亦曰鮮儷繼自今卿具以予萬億年對天之休將  
書勞進秩不一而足焉尚其懋哉可

兵部尚書羅點母太淑人繆氏遇慶典恩特封壽安  
郡大夫人

杖朕觀魯詩頌僖公之有道及其壽母於以知吾卿大夫之賢其母氏不可以無報禮也長官某母具佐饗氏克相君子稱德云邁是生賢嗣為邦司直以黜之議論風操過魯侯遠善則爾母視魯夫人賢同如也義不貳其夫而善祥集於晚至教行於子而淑譽聞於斯世壽朕嘉與游錫禧書秩以小人既封名郡抑與魯人請命于周而後作頌者異夫尚張龜而以緩壽社可

人 甲吉舍人接鑰母太碩人汪氏遇慶典恩特封太淑

殺朕觀魯詩頌僖公之有道及其壽母於以知吾卿大夫之賢其母氏不可以無報禮也長官某母具佐饗氏克相君子稱德云邁是生賢嗣世濟其美以錫之議論風操過魯侯遠善則爾母視魯夫人賢同如也義不貳其夫而善祥集於晚至則爾母視魯夫人賢同如也義不貳其夫而善祥集於晚

年教行於子而令譽聞於斯世康孟邦慶游錫禧書抑與魯人請命于周而後作頌者異夫尚張龜

參知政事陳騷子臧孫遇慶典恩乞進封其母

輟日奉萬年之觴于朕王母嘉賴爾父爰進褒律而爾又以錫類之恩崇大其母膏沐之色豈不榮哉具官某母具佐饗氏吾大臣內助也而及偕老方爾父夙夜匪懈朕我庶幾亦惟爾母整齊家事而後得以并意一鄉不懷其私則徒夫之爵雖不以矣未詔書從事曹封名邦朕何愛焉而尤于夫人獨得之也若夫可以久處於燈火之初可以長慶樂於筵席之後凡百命婦於焉取式則此異恩又足用勸可

安定郡王子壽遇慶典恩轉官

教維建隆磐石之宗澤流後裔維慈福奉觴之慶燕及高年兼二者以有言進一官而何吝具官某為今屬籍規官與刊

以孝恭友兄弟如周君隊以謹重率宗室如漢劉德至於試  
吏允也過人信抱負之不群况行藏之無愧比觀掌故誰其  
逮事於四朝強起葉封茲謂秘遺之一老可以華國豈惟奉  
祠方欽想於達尊宜亟蒙於殊渥儼如老老亡元日之詔著  
祇以親親亦盛時之恩意明揚律晉陟承流其或對亦龍  
光用永綏於眉壽可

慈福太皇太后姪准東總領吳璉特轉一官

敕具官某某嘗侍上皇後恭上慈福之册親聆慈訓勉  
之以學至今心不敢忘也而施恩外家久不予於甚失得意  
爰趣有司上之而兩某方饒淮師序進一秩以太后訓朕  
之意則爾亦宜自好修以成忠齊太任之美矣可

吳璉

方命

吳璉吳璉

吳璉

吳璉

吳銓等一十二人

辨地無仕燕榮等九人

迫功郎前金州司戶青陽炳文年九十一遇慶典恩

特封承務郎

敕具官某在易之晉受茲介福于其三母而朕身親見之豈  
不盛哉餘慶溥博燕及人老俾爾異歲齒于初官尚朕寵榮  
益益故事切可

儒林郎御史基副引贊官賈悅應奉一

尊號册寶了畢轉承直郎

敕具官某典禮行於上而澤下逮盖廣愛之道也爾適幸會  
亦與進秩尚務肅給母愆于儀可

朝散大夫軍器少監兼實錄院檢討官兼權考功郎

官黃由除將作監兼嘉玉府直講

敕具官某朕有元子愛之固深而教之惟恐不至一時實僚

儒學之選爾以魁倫之彥久儀群玉之府保保正色抗論不  
回自少匠而為長蓋亦寵矣技巧精能非所以望汝也積經  
未即使吾兒有直諫多聞之益是惟休哉可

武德大夫帶御器械幹辦皇城司陳守忠條  
重華宮淑妃陳氏親父久在殿陛特與帝行迷郡刺

史

被具官某於重華為掖庭之親於廣內為屬隸之列矧惟爾  
給濟以增共出入兩宮而無違周旋四姓而不競爰醜勞於  
歲否俾借直於州麾以歡庭幃以壯軒陛可

奉議郎太府寺丞曾三聘除秘書郎十二月

歎道山蓬萊圖籍鉅萬士夫仰望真有轡車羽輪之馮潛其  
中者皆天下選也以爾力學自奮持論不阿愛國之心如飢  
如渴擢自外府徑登清賞益讀未見書以昌遠業且使四部

秩然有序是為稽謬哉可

大理寺主簿王寧新起信陽軍劉崇之並除太府寺丞

十二月二

敕寺監皆有丞而外府設官行詳焉蓋欲上評版曹之調度  
下托有司之出納不可以非其人也以爾寧文辭蔚然明習  
吏道勾稽棘寺平反為多爰俾序遷以酬勞勩爾崇之聲籍  
籍甚蚤登著庭出守遠方召對尤敏使還朝頌以慰公言所  
貴於儒者謂其能通世務以其所學見之事必勉哉可

朝散大夫三進之知德慶府

敕具官某爾頃以天府貳車往守武陟突不得默已復聖  
朕心闕焉晉康雖遠實 高皇興王之地舉以授汝以觀  
汝能尚其懋哉母替朕命可

張某知宜州

教具官某自桂林以南之州宜為大其與蠻人隣也且為邊  
置侯固圖重於他邦舉以付爾不謂之選擇而使子歟尚對  
明恩無之邊事可

朝散郎充顯謨閣待制兼 皇子嘉王府翊善黃裳

兼侍講五年正月

教朕每歲仲春詔諸儒講路門將脩故事有日矣比覽名籍  
為之豐茲昔者所進今安在耶而不為予講也具官某以六  
學之博長於勸誦嘗發明春秋之旨纒纒可聽也何恙不已  
而矜勞以大夫之事但與吾兒游乎夫文帝能前席賈生於  
久不見之餘而武帝不能留汲黯於出入禁闈之日兩君治  
幼較然可觀爾不當起為予講耶詩不云乎素絲祝一良馬  
六之彼嫌者子何以告之此朕所以責望汝也可

臣故郎建康府江寧縣尉趙汝章收使射嘗轉文林

郎

教具官某澤官不達士無射御之習 壽皇以為此非所  
以合文武也既策之廷中復取之圃 於此皆得雋焉之亦  
艱矣俾進一階用為如吾詔者之勸可

降授朝奉郎權通判建康府徐寬任國子博士日奏  
對失儀降官特復朝散郎致仕

敕兵官某闕庭之禮陵三軍者懼焉以其嚴也爾為博士長  
而進對失容至於鑄秩朕豈深咎爾耶丞郡亡何幸未致事毋  
乃謹畏過自刻責乎俾還舊官示棄前咎則朕之遇士大夫  
明恕兼矣可

福建提刑盧彥德奏泉州同安縣尉鍾安老增強盜  
希賞本州錄事參軍從政郎鄧繼功符同結錄更不  
駁正繼功特降兩資放罷

教具官某捕盜之賁達陰舊章也。比歲吏緣為欺，往往傳會得官，緝紳數以為言，而重改作，將以待實能焉。爾汝治其微，也不審察，竟以傳會之辭上之。州家士師不能治士，非是之謂。其前兩秩仍免居官，尚務省循，以蓋前咎可。

前提舉廣南市舶江文叔容縱押綱官移易香綱，物特降一官。

教具官某建隆舶司，蓋長吏兼之，尋以為有遺利也，而專置吏亦稍密矣。爾領其事，迺以賁輸屬汙吏，然則何賴焉。前一官以為不謹，所使者之戒可。

知建康府余端禮奏武臣郎李存道和羅淮西總領，所未般量少欠降一官。

教具官某時糧以首漕，以大重也，而爾不究心，至見劾於帥，謂其專事尚且百循，莫不終卒可。

入內侍省東頭供奉官毛居實轉歸吏部，授長

郎

教具官某爾自謫籍得歸，銓曹命之秩官，往護陵寢，其對恩渥，毋忘懼思，苟無後愆，亦豈遐棄可。

新知錢塘縣趙盛婺州通判吳璠，並除職事官。三月

教具官某等，維昔忠獻光輔，高宗以建我家，維今

太皇實佐求賢，而無私謁天下，誦之則以爾盛忠獻之後，時太皇家人也，靖共在位，克世其美，而冥諸周行，以勳勳，感不亦宜乎可。

大理少卿許及之奉使回，特轉一官。

教具官某昔卑陶明刑，能弭猾夏之患，爾吾諫臣也，而為大理稽經傳，古人自不究非，所謂淑問如皋陶者，耶。銜命北庭

且以規國朕所為用汝也肆于婦報齋然獻忠蓋庶道其所更見至於禾黍而未嘗一語及慄馬之病朕聞之有感焉書勞增秩是特舊章若屬有鄰國之大事爾其選哉可

閤門舍人蔣介奉使回特一官

敕具官某使於四方孔門以為難是可以觀士矣爾以西州之彥充職上閣意象容止亶如儒素蓋其所趣尚然也屬備隣聘以爾輔行肆于婦報禮無違者書勞增秩益循舊章欽究爾猷嗣有晉寵可

帶御器械蔡必勝除知閤門事

敕具官某昔者仲尼設科可使束帶與賓客言者皆高弟也矧吾上閣四方於此乎觀禮而可不用士乎爾以諸生習孫吳對策為天下第一操履趨尚學士大夫也 壽皇嘉之駿駟膺任朕方在替邸每視朝輒屬意汝以為可在左右肆

我嗣服首加趣召俄而銜恤迺今來歸是用命汝與我閤要夫不以寒素處私人不以學問望右列其來尚矣自我作古追復仲尼之遺意爾其懋哉以圖忠報可

朝奉大夫試尚書禮部侍郎倪思薦舉不當降一官

滿一期叙復朝散大夫

敕朕惟聽言信行雖高第不保其終身觀過知仁則寬朝宜諒其本意爰棄前咎俾復故官具官某蔚為國華簡在法從久居臺閣蓋習於推轂之風樂道縉紳亦恐有積新之恨云胡吏議及此上聞過不知猾吏之為而徒錄名臣之後或者愛博至於言私雖薄示懲章豈遽忘於善類思皇多士朕所

以舍舊而圖新求備一人爾毋為矯枉而過直可

降授通議大夫 顯謨閣待制提舉江州太平興國

官陳峴薦舉不當降一官滿一期叙復通奉大夫

救朕惟聽言信行雖高第不保其終身觀過知仁則寬朝且諒其本意爰及改歲俾還故官具官某屢典名藩久待從寮以公卿大夫之後雅有扳援則門生故吏之多豈皆決擇况重以名家之好則忘其賦狀之非及此上聞掛於吏議既性不咎朕所以舍舊而圖新永天弗譏爾無為矯枉而過直可

顯謨閣學士降抄通奉大夫知建康府鄭僑舉降安令舒光改官不當降官滿一期叙復正議大夫

救具官某淳安令之獄至今人疑之朕徐考其所為主則皆吾賢卿大夫也吾賢卿大夫也而坐以纒舉之罰乃已重乎以爾經明行脩為海內所稱數而闕天下之上多矣門生故吏必善推擇而不苟取迺者所舉令其具刑書邪則與其進不保其往孔子有是言矣不如刑書則是即墨大夫也豈以徵文而廢善類爰棄前咎俾還故官其繼自今毋以精

失士之意益舉所和是謂忠報可

朝請大夫中書舍人樓鑰磨勘轉朝議大夫

救計曰非所以處賢才也書勞非所以待法從也而有司以功令來上曰其人當進其官則朕亦重改焉耳具官某以文墨議論方代予言有吾與丞相執政進退群臣當不當功罪兩皆得以可否是正于其間今職授任亦異於百辟矣續用益彰聲望益茂則等而上之不過三數官皆將以持汝何屑以課日月增秩為事尚朕訓辭以須明陟可

曾 知嚴州

救具官某贛川之曾人物相望仕至二千石者前後以十數厥聲茂焉爾習子家傳有志於古試以郡守有志於民還奏便朝嘉其詳練惟嚴陵之輔郡實高廟之潛藩分以左符用撫吾民由小州得大州益勉厥職以大爾家可



林大中磨勘轉官

救計日非所以待賢能也循次非所以優法從也而有司以功令告是為舊章庸可廢乎具官某以直道正基綱至于累歲以勇退紆州組殆將終更際之懸官一階不足酬也况夫訓詞深厚感議剴切朕甚嘉之乎而有司會課姑推增秩其為數卒以須殊獎可

奉國軍節度使開府儀同三司充萬壽觀使夏執中  
所生母郡夫人沈氏贈崇國夫人


救詩人誦后夫人之賢必以為某人之子之孫之甥之妹蓋推本其所從來不一而足也具官某所生母具佐沈氏作配名門雅有淑德是生賢嗣為國元男日者朕緣申伯之誼加錫命數視儀高司夫寵其身而不及其母豈所以宏貴外氏之恍乎是生不露膏沐之賜而死無以慰夢我之恩也爰自

郡封陞華上國尚故明恩永纒爾後可

故妻郡夫人諱氏贈寧國夫人

救公卿將相處貴倨之勢而不驕非獨其身賢也警戒相成厥有內助具官某故妻具位慈氏嘗為吾舅氏之配與之共隱約矣今以吾舅申錫命數視儀高司故共不遠退若初筮推本所自非有如齊風雞鳴之配然耶夫生有中饋之勞而不及從夫之爵死附於姑之室猶未離於郡小君也則吾外氏之祧尚有遺恨晉陞上國庸慰幽冥尚故明恩益相夫于可





Handwritten text in vertical columns, likely bleed-through from the reverse side of the page. The text is arranged in several columns, with some characters appearing to be in a traditional Chinese script. The right edge of the page shows the binding of the book.

